

IMPERATOR CÆSAR MATTHIAS

PIVS, FELIX, AVGVSTVS,
REX GERMANIÆ,
HVNGARIÆ BOHEMIÆ,
ARCHIDVX AVSTRIÆ
DVX BVRGVNDIÆ, STIRIÆ,
CARINTHIÆ, CARNIOLIÆ, SILESIÆ,
PRINCEPS SVEVIÆ,
Marchio Moraviæ, Lufatiæ, Burgouïæ,
LANDGRAVIVS ALSATIÆ,
COMES HAVSPVRG. TYROLIS &c.



Nitida huius ferrei sæculi aurea fuere reuocante
MATTHIÆ iustitiâ Imperatrice Alstream, &
Charites è Cœlo, omniumq; virtutum nobilem
fugitiuam familiam, & terræ redonantes,
quæ lætata est reuerso.

Numine quod primi post secula perdidit auri.
Media, tu MARIA ANNA, ac finem beabis,
cuius auspicatissimo nomine inaugurata
cum Altræâ Charites, virtutesq; omnes regnabunt.
Interim iure omnes laudent Cæsarem
iustitiæ amatorem, cui tunc maximè laudes
debentur, cum de propriâ iustitiæ causâ agitur. Et certè cum Orbis
terrarum habenis, Sceptroq; Germanico tam rectas sustinuit recti lances, vt
nec potuerit aura populorum, res omnium leuissima, contantem dexte-
ram

Cl. de m. conf.

Iustitia laus Mat- thie Cæs. potissimè attributa.

ram extollere, nec deprimere aurum omnium grauiſſimum, cum nihil apud ipſum in pretio eſſet, honeſto collatum.

1556.
24. Feb.

*Horosco-
pus Mat-
thia na-
ſcenti non
tamen ex
inanis A-
ſtologorū,
datus.*

Ea die natus eſt, quam magnus Patruus CAROLVS multis ante annis ſuis natalibus illuſtrat, vt in CAROLI lucem editus videretur, & diem, ex hæreditariâ Auorum gloriâ, prorsus ſuam. Apagite Aſtologi infra homines diuini, Ariſtocraticæ fiderum Reipublicæ falſi, fallaceſq; præcones, periuri fortunæ inſtitores, & in bono cœli lumine ſplendidè mendaces tenebriones. Illuſtris cæleſtium Scientia nihil vobis præter tenebras ingerit, noctes geminans miſerè vigilatas. Nihil è Cælo ediscitis præter illius errores, nihil contrahitis, præter illius vertiginem. Commentitia ſunt illa fideralia fata, quæ in cæleſtium orbium voluminibus tam clariſ alioquin, & aureis caracteribus ſignatis, totoq; illo ſplendido Diuinæ Prouidentiæ cõmentario legitis. Nullū MATTHIÆ Horoscopū felicitatis ſtatu præter CAROLVM illius diei, quâ natus eſt, illuſtriſſimum ſidus, ac fortunatiſſimum in Auſtriacâ Domo. Et certè eandem, ac CAROLVS, MATTHIAS ſortitus eſt non feliciter tantum nãſcendo, ſed fortiter viuendo nobilem vitæ genituram, imò & immortalitatem: cum eodem aſpectu virtutum, curſu gloriæ, ſplendore nominis, motu, ſtationeq; conſiliorum. Sed propior fuit MATTHIÆ ortus CAROLI morti, quam natalibus, intra annum, cum iam ſuprà mundum, iactumq; fortunæ tonantis, ac fulminatricis frementis ad pedes toto vertice eſſet, & in Olympo viueret, cœlum intrantis.

Iam tunc Numen prouidebat Imperio, ac Nomini Auſtriaco alterum CAROLVM, vt Heroum Auſtriadum propago, ſuprà omnes Imperatorias familias ad Orbis terrarum felicitatem ſoboleſceret, & vno auulſo alter germinaret aureus ramus in arbore Auſtriæ Gentis florentiſſimâ. Auſpicatò etiam aliqui inditum MATTHIÆ nomen cenſuerunt, ſiue à ſorte Auguſti Nominis, & Imperij Occidentis, quæ è Numinis ſinu, in quo omnes mortalium ſortes verſantur, in MATTHIAM lapſura erat, non ſeptem Cœli, ſed Imperij Planetis electoribus ſeptemuiris ad eius ſummâ dignitatem conſpiraturis, ſiue à Matthia Hunniade Coruino Othomãnici Imperij, ac totius Orientis terrore, cui ſimillimum in bellicâ laude, Turcicisq; victorijs MATTHIAM Auſtriacum ſuſpicimus.

*Belgio præ-
ficiuntur.*

1577.

In ipſo ætatis flore ſos ipſe Principum ad Belgicarum Prouinciarum, in quibus Apriles amæniffimi vernant, & Flora cum omni floreâ natione regnat, euocatur, exhibitifq; ſpectaculis magnificentiffimo apparatu veluti triumphator exceptus Summus Belgij Præfectus inauguratur. Omnia florere videbantur, cum immanis ille turbo, qui Belgicæ Reipublicæ fortunam tot annis rotauit in præceps, floridas ſpes euertit.

Iniuſtiam toti Auſtriaco Nomini defectionem ab Hiſpano Rege diu pati MATTHIAS non potuit, qui virtuti, non famæ ſeruiabat, debilemq; ſciebat eſſe excuſationem, quæ accuſatione temporum nititur, & ſæculum criminatur. Iuſtitia meretrix non eſt; licèt nihil præter merita reſpiciat, nec fert mendaces fucos, & veteratoria pigmenta politica ſimulationis. Iam factâ fidei, quam Monarchæ ſuo debebant, Antuerpiæ publicâ abiuratione, Orangio vbiq; Rempublicani, quam iam ſuis arbitrijs ſubhaſta-

rat.

rat, callidis negotiationibus licitante, federati ordines per Philippum Marnixium, Comitem Aldegundium euocarant Alenconium Ducem Francorum Regis Fratrem; unde cum Austriacus solum nomen Imperij sustineret, personatus Princeps in scenico illo Belgicæ perduellionis theatro, periculumque esset, ne sui fabulam daret, principatu se abdicauit.

A Belgicâ Praturâ in Germaniam reuersus Ernesto Archiduce Fratre è Prouinciâ abeunte Prorex Hungariæ substituitur, cum Austriæ etiam administratione. Signum suû MATTHIAS constituit semper amorè recti, quandoquidè ars imperandi etiâ iaculandi est, & non nisi per amorè recti collineat. Cum suâ venerandâ canitie, ac priscâ probitate, & publicas leges, & priuatos mores reuocauit ad auream Themidis libellam, stellantesque Astreæ lances, omnia expendens. Mortuis legibus, è suis ipsis moribus leges nouas condere populorum poterat, germano semper candore sine furore peregrino vsus, qui primas honesto deferret, utilitati vix secundas. Ad innocentes has ciuiles victorias, pari gloriâ victricia prælia consequuta sunt. Primas palmas collegit in Hungariâ, in qua potissimum Thracia Luna veluti in suis Euripis reciprocantium bellorum æstus alternabat. In expugnatione Nonogradensi, ac Strigoniensi ita res feliciter cessit, vt nulli dubium fuerit cælestibus auspicijs geri, Deumque exercituum Austriacis militare stipendijs, nisi velis dicere, & melius imperare militibus, Archiduce MATTHIA Dei simul, & Cæsaris Protegem agente. Alterno fœdere Principem Religio seruat, cum Religione Princeps, nec vtiliori ratione, quàm hac Deo fœnerari potest. Ipsam Budam Principem Hungariæ Arcem è sublimi cliui, veluti regalis solij vertice subiectæ Regioni dominantem, magna vi adortus, iam fortunæ comis manum iniecerat, occupatâ inferiore Vrbe, & magnâ ex parte victoriâ potitus, nisi pluuium cælum inundans, tellus paludibus stagnans, & alia maleficia naturæ referre pedem coegissent, iisdem tamen incommodis, barbarum hostem à Varadinensi Arce retrahentibus. Inde Sinanem Bassam, quem Thracius tyrannus centum barbarorum armatorum millibus præfecerat primùm à Commaronij obsidione auertit, demùm ad Albam Regalem cum toto ferè exercitu euertit cumulatissimâ victoriâ, siue numerentur, siue æstimentur hostes interfecti, nam inter multa cælorum millia ipsi purpurati supremi castrorum Præfecti in illâ pugna Murates, & Mehemetes desiderati sunt. Alba Regalis Regni caput, & inaugurandorum Pannoniorum Regum inclyta sedes, victoriæ præmium fuit, prius ab Othomannis capta, annonâque & milite affatim munita, ac deinde trium dierum spatio ab Archiduce MATTHIA recuperata. Inter prodigia Austriacæ felicitatis non infimum locum habebit MATTHIÆ manu contractos in dies annos, & triennem obidionem, quæ debebatur munitissima Regiæ Vrbi, in triduanam migrasse. Ita in magnis rerum articulis Deus exercituum auxiliarijs prodigijs Austriacis castris accedit. Hac vnicâ victoriâ inter cædes barbarorû gigni poterat immortalitas MATTHIÆ Archiducis nomini.

Othomannicis conatibus repressis, Hungari, Bohemi, ac Daci seditio-

Prorex
Hungaria
creatur.

Bellum
Turcicum
in Hun-
garia felici-
ter geri-
tur.

Prodigijs
loco habi-
tū est ex-
pugnari
tridui spa-
tio Albâ
Regalem.

*Victoria
multiplex
Hungari-
ca Bohemica
Dacica.*

1607.

sis tumultibus rebellant. Pluribus laureis, ac triumphis Matthiam Cœlum destinarat, retulitque copiosè, bonis auibus Aquilis Austriacis victricibus ferè totum Septentrionem emensis. Eò felicitatis peruenit, vt Botzaiana seditione penitus sedatâ, belli auctor læsæ Cæsareæ Maiestatis facinus, morte luerit, incassum donis tentatâ constantiâ Austriaci Archiducis, qui solo iusto honesti, rectique pretio venalis erat, & æquè donis, ac dolis armatâ manu occurrebat, & pectore loricato. Eâdem gloriâ, vt esset non terrarum tantum, sed marium victor, iugo Danico mare Balticum liberauit, restitutâ Germanis negotiatoribus tutâ, liberâque navigatione.

1608.

*Inauguratur
Hun.
& Boh.
Rex.*

Hicse victorijs Othomannicis, Hungaricis, Bohemicis, Dacicis initia, huius sæculi nobilitauit MATTHIAS dignus, & ex suo sanguine Austriaco, quem trahebat in Imperatoriâ Familiâ, & ex hostili, quem ense, victore extraxerat, qui Rex purpurasceret. Itaq; in Regem Hungariæ Possonij, & Bohemiæ Pragæ, cum summo totius Europæ plausu inauguratus est, designatusque RVDOLPHO in folio Germaniæ successor. Ad inaugurationes regias, vt Regij darentur Hæredes consequatæ sunt nuptiæ cum ANNA Austriacâ FERDINANDI Archiducis, & ANNÆ CATHARINÆ Guglielmi Gonzagæ Mantuæ Ducis filia nobilissima prole felicitate semper pronubâ, vbi Austriâ Austriæ veluti nubente totus Austriacus celebratur hymenæus. Fatis tandem cedente RVDOLPHO, cui aliquis Acris, ego, potius Prudentis cognomentum darem, MATTHIAS succedit Sanguine frater, Gemellusq; virtutibus, atq; ita pari nominis splendore, vt Austriaci Imperij Cælum visum sit iterum post CAROLVM, & FERDINANDVM habere suum Castorem, & Pollucem quorum secundus primo occumbente, diriretur, vix mutato Cæsare, ne dum amisso. Ad imperium MATTHIAM iura Sanguinis, suffragatio virtutis, fraterni dignatio nominis dudum destinant, & quidquid poterant, non tantum Septemvrum, sed omnium mortalium vota exoptare.

1610.

1612.

*Eligitur
Imperator*

*Iustitia
maximè
floruit.*

Ei in summis amoris fuit inter cæteras virtutes iustitia, quam, ne imbellis esset, aduersus orthodoxe fidei hostium genus omne, zelo religionis armavit, vnde apud multos ZELATORIS nomen retulit. Etiam in cælo Astræa, cuius stellatis lancibus fit magna illa iustitia dierum, ac noctium, primum australium signorum est, vt hanc virtutem non Cæsaream tantum, & Augustam, sed Austriacam esse scias, & Austrij Fundatricem, ac Seruatricem Imperij. Hac aspice mulctaturus seditiosam hæresim, noua, semper, & impia molientem, Francosurtum, & Aquisgranum caput nobilissimas alioquin Cæsareæ electionis, & inaugurationis sedes, adiutus auxiliarijs copijs ALBERTI Archiducis Belgarum Principis, Operâq; illius Urbium expugnatoris Liguris Polyorcetis Ambrosij Spinulæ nostro ævo celeberrimi, exercitus Regij in Belgico Supremi Ductoris. Securis expedita cum fascibus securitas regni est: cum fugere scelesti nequeunt, scelera, fugiuntur. Hac sospitatrice ingentes sæpè cum parua manu animos tulit ad magna bella, ac meditata perfecit, inter ferreos telorû imbres interritus, quasi diuina vis, non solum MATTHIÆ. Scutum adamantinum esset, quo illa retunderet, sed retorqueret etiam in hostes, frustratis sæpè sapius

sua de-

suâ destinatione iaculis, & igneis globis ante ictum suffocatis in scelere tantum cõcepto. Eam Sui venerationem ipsi Othomanno Imperatori peperit, totiq; Turcicæ nationi, vt & pax ab illis exorata, ac pacta in vicennium, & legationes pretiosis muneribus cumulata missæ, & impetratum vt multa templa in Strigoniensi Diocesi præsertim Monachorum, & Præsbiterorum Societatis IESV ad Christiani ritus splendorem reuocarentur, quæ impij Mahumeticæ superstitionis Mystæ, supra Massegetarum Popas, Busiridis Aras, Augiæ stabulum, ac Diomedæa præsepia conspurcarent. Quid deinde mirum, si mutuis veluti officijs auxiliaribus, Deus Austriacæ Domus potentiam fartam tectam seruat, vbi Austriaci Domus Dei splendorem tam enixè procurant. Eisdem Iustitiâ Duce nulla à donis vis illata Reipublicæ: odium, & gratia geminæ iustitiæ pestes proscriptæ ab Aulâ, in qua nullius auctoritatis erant malæ artes, & soli fortes, boniq; in pretio: præstantibus malo omine dignitates, paratæ repulsæ: nobilitati quidem locus, sed post virtutem datus; magnus enim ille splendor est, sed umbra virtutis. Verum Principem regni Germanici felicitatem in Cæsaris probitate constituerat, quem Iustitiâ Imperatrice cælo parere voluit. Imperatore cognito, ac si esset Iustitiæ simulacrum, omne ius populi nouerant. Sola ipsius præsentia tantam incussit reuerentiam Maiestatis, vt firmatas iam altis radicibus rixas inter belli Duces, veluti bellorum surculos, statim extirparit. Ita magna Procerum, & populorum, censura est Principum virtus, vbi suarum cupiditatum populum sibi parere iussit; tunc enim ius tenere poterit, & apicem iuris pro dignitate, cum Rex etiam sui cognoscitur.

Iustitiam coluit tandiu MATTHIAS Imperator, quandiu Astræa, quam exulem terris redonarar, ipsum patrio cælo donaret. Ante obitum cum intestinis tumultibus Germania aduersus Cæsarem arderet, (neque enim sol vnquam nubes sibi non excitat, etiam cum serenissimus est, & innocui splendoris,) careretq; liberis, accedente consensu, magnanimisq; ac generosis suffragijs Archiducum Austriadum Fratrum MAXIMILIANI III. & ALBERTI VII. qui proximè ad Imperium iure sanguinis vocabantur, FERDINANDVM II. Pium Patruelem CAROLI II. Archiducis filium, & FERDINANDI Cæsaris Nepotem, Auum tuum Augustissima Heroina omnium virtutum titulis clarissimum, inauguratum Hungarico Regno, ac Bohemico, Imperij successorem designauit, adoptante bono Nerua aliquid etiam melius optimo Traiano ad æternam feriem maximorum FERDINANDORVM, ac totius Orthodoxi orbis felicitatem. Vos verò MAXIMILIANE, & ALBERTE alterum in Austriacæ cælo gemellorum Astrorum Par, calcatis Imperij fascibus in Herodes assurgentes, regnabitis in fastis Imperatricis Familiæ magnanimæ huius, angustæ, & heroicæ modestiæ gloriâ, æuumq; ipsum immorali facinoris famâ coronabitis, nunquam maiori iure in possessionem Imperij missi, quam cum illud generosè calcastis. De tot prouincijs triumphastis, quot cessistis, neq; enim minùs triumphalis est magnanimitas, quam fortitudo, cum hæc inter cæorum hostium cadauera curram agat, illa inter grata pectora, & amica capita. Vos certè.

Obitus
1619.
13. Kal.
Apr.

Maximiliani, & Alb. Cæs. fratrum heroica virtus.

Non

Virg. 2.
Geor.

Class. in
Epi. Pall.
& Csi.

*Non populi fasces, non purpura Regum
flexit*
imo veriore cantu

*nunc purpura primum
Inferior virtute fuit, meruitq; repulsam
Obuia Maestas, doluit fortuna minorem
Se confessa viris, magnos delata potestas
Maiores contempta probat.*

Dignus erat præferri ab his Herôibus summæ rei FERDINANDVS Pius Maximus, digniq; erant MAXIMILIANVS, & ALBERTVS ex tanto prodigio virtutis, vt FERDINANDVS Pius maximus eorum locum impletet, quem Cælum fauentissimum ab vrnâ suâ ad Christiani nominis, fideiq; Diuinæ aduersus veterarios nouatores conseruationem, amplificationem, ac splendorem dudum destinarat.



MATTHIAS

143

Symbolum.

Quem historia non potest, Symbolum describat,
Et quia Heroem Austriacum,

Primum inter signa australia euocetur è Cælo
Symbolicum irradians terris astrum.

In Astræa suis patrijs stellis coronata
Vibrante dextera fulminatorem enses

Læua pensilem mundum stellantibus lancibus librante

ΜΑΤΤΗΙΑΣ Imperatorem habes,
Constantissimæ religionis, consultissimæ sapientiæ,
Potentissimæ felicitatis.

Nobili corpori non degener anima
Addetur in lemma,

Ius, non Vis.

Ita omnia infra se despexit,

Ut nihil supra se præter Cælum suspiceret.

Olympum dixisses montium Regem

Serenissimo inter astra coronaria capite calq̄ confinem.

Infra eius stelligerum verticem calcata pedibus,

Fulminatrix turbinum Mater, fortuna detonuit.

Amasius æternitatis

Nulla alio quàm siderum auro immortalis redimitur.

Ita deinde læua libratum mundum rexit,

Ut dextera vibrandum enses gereret,

Unde sciremus Imperatricem in ΜΑΤΤΗΙΑ Iustitiam

Et fuisse Patronam virtutum,

Et scelerum vindicem.

Ad virtutem attraxit aurea mundo,

Retraxit à sceleribus ferreo ense.

Nisi supra magnorum premiorum, & panarum polos staret,

Nullum

144
 Nullum stabile foret in sua perpetua vertigine politicum Cælū.
 Fouent pietatem, qua fauent:
 Docent impios, qua nocent.
 Apud iustum Principem aqua lance,
 Nec misera Virtus esse debet, nec vitium felix.
 Illa equitate orbis terrarum regendus est,
 Qua in Calo fit iustitia dierum, & noctium.
 Hoc Horoscopo nascuntur Austriaci Cæsares:
 Hic è Calo dominator, rerū Dominis Imperatoribus, imperat.
 Non tamen cum MATTHIA Astræa in Cælū reuolauit
 Nostras est, quousq; imperarint terrarum Orbi iustissimi
 FERDINANDI.

SYNOPSIS GENEALOGICA

A MATTHIA

AD FERDINANDVM II. PIVM.



MAXIMILIANVS Cæsar lōga liberorum nobili linea videbatur æuūm, in quod Austrium stemma tendebat sibi polliceri, sed Cælo FERDINANDÆ aurea sæcula ordiente, in MATTHIA Cæsare filio centrum inuenit, vnde nec suæ gentilitati tanta sobole satis fæneratus est. Orbis tamen MATTHIÆ Orbi terrarum fecunda felicitatis fuit. Ad CAROLI II. Archiducis vltimi filiorum FERDINANDI I. Cæsaris prolem rerū summa deuoluitur FERDINANDVM II. Pium maximum RODVLPHI II. & MATTHIÆ vltimorum Cæsarum filiorum MAXIMILIANI II. Patruelem, FERDINANDI I. CAROLI V. Maximi Fratris, Nepotem, Abnepotem MAXIMILIANI I. Trinepotem FRIDERICI IV. Pacifici, & quod Principem apud me locum habet, omnibusque eminet FERDINANDI III. inuictissimi Cæsaris Patrē, & MARIE ANNÆ, ac FERDINANDI gemellæ Hispaniæ, & Germaniæ Spei, rerum Dominiæ, ac toto Orthodoxo Orbi auspiciatissimæ, Auum. Augustorum CAROLI Archiducis liberorum syllabus hic est.

FERDINANDVS V.
 ANNA VII.
 MARIA CHRISTI ERNA VI.
 CATHARINA RENATA.
 ELISABETHA XII.
 FERDINANDVS inter Austrios Princ. VI. inter Cæsares II. Pius maximus
 CAROLVS V.
 GREGORIA MAXIMILIANA,
 ELEONORA V.

MAXI-

MAXIMILIANVS V.
MARGARITA VII.
LEOPOLDVS V.
MARIA MAGDALENA I.
CONSTANTIA I.
CAROLVS VI. POSTHV MVS.

FERDINANDVS CAROLI Archiducis natu primus, primitiæ regiz, posteritatis, & flos generis à primis annis Deo dicatus, in Cœlum translatus est. MARIA CHRISTIERNA Sigismundo Battoreo Daciæ magni nominis, fortissimæq; profapiæ Principi nupsit, vt omnes bellatores Heroas, quos in sua Gente non numerat, Augustis sibi cognationibus iungeret Austriaca Domus. CATHARIANAM RENATAM, ELISABETAM, GREGORIAM, MAXIMILIANAM, & ELEONORAM innocentia primæ ætatis suo iure Cœlo transmisit. MAXIMILIANVS Patruo Magistro Theutonici ordinis successor designatus ab egregiæ spei sinu, omnibus sui desiderium relinquens, sublatus est.

MARGARITA Heroidum Gemma, innocentissima cœli soboles, candore morû & sanctitate virtutum, vtriusque Austriæ Domus Imperatricis in Germania, ac Regnatricis in Hispania Vnio inæstimabilis, & sui sæculi, orbisque terrarum pretium, maximorum monarcharum PHILIPPI III. vxor, & PHILIPPI IV. nunc regnantis, cui orbis Austriacus, ac præsertim Insubria amantissimæ fidei suis Regibus Prouincia, ijs vocibus quibus Romanum imperium seuro Cæsari, acclamat. O *Domini Equum, & Bonum*, & nestoreos annos adprecatur, Mater fuit. Pretiosissima hæc Reginarum Tibi MARIA ANNA, quæ eius solium, ac maiestatem omnium virtutum implet, multiplici nexu sanguinis iuncta, & Aui soror, & Genitricis mater & Coniugis, felicissimis tuis nuptijs prolust, Urbemque hanc Principem Insubriæ Austriacis Dominis deuotissimâ beauit, cui tu modò sponsa ver felicitatis cum omni flore gaudiorum affers, æternum datura Aprilem, cum Mater. MARIA MAGDALENA Cosmo magno Etruriæ Duci Ferdinandi filio coniugata mundos Medicæos Austriaca cognatione mirum in modum auxit, addiditque Florentiæ florem, quo semper virere polsit. LEOPOLDVS Archidux Austriæ, Dux Burgundiæ, Tyrolis Comes, Leopoldi I. sanguinis, & virtutum hæres fuit. Eadem fraterna benèuolentia, qua ille FRIDERICVM III. Pulchrû Cæsarem, hic prosequutus est FERDINANDVM II. Pium maximû, summa fortitudine heresi vbiq; oppugnata, ac propugnata orthodoxa fide, procurataq; religione. Heluetijs victorijs, illorû accisis rebus, qui Rhetorum montium claustra, & fauces occupauerant, omniumq; virtutum nominibus inclaruit, in serenissima prole FERDINANDO CAROLO, CAROLO EMMA NVELE, omniq; aliâ Tyrolensi gloria quû gloriosissimû daturus, & propagaturus Heroû Posteritatem. CAROLVS Posthumus Archidux Austriæ, & Episcopus Vratislauenensis MAXIMILIANO Patrueli Magno Theutonicorum Equitum Magistro in suprema illius ordinis prefectura successor, Princeps eximie pietatis in Deum, Cælitesq; omnes, humanarum, diuinarumque disciplinarum scientissimus, multisque alijs titulis clarissimus maximos pro FERDINANDO Cæsare Fratrem, totaque Imperatrice Gente labores felicissimè, & victoriosissimè exantlauit.

ANNA inuictissimo æque, ac victoriosissimo Heroi, hæresum domitori, & Orthodoxi nominis quod Sueciæ regno prætulit, propugnatori Sigismundo III. nupsit Sueciæ, ac Poloniæ Regi. Huius in thoro, solioque successit indulgente id Summo Pontifice Paulo V. CONSTANTIA. Vtraque suû nomen impleuit, illa gratiosissimis Polonico Regno virtutibus, hæc earundem virtutum constantia singulari, nec prima secundam felicitate prolis superauit. Altera Vladislai, altera Casimiri potentissimi Sueciæ, & Poloniæ Regis, & magni Lithuanicæ Ducis Mater fuit, totiusque serenissimæ posteritatis propagatrix.

Vladislao pietatis, & fortitudinis titulis inter huius sæculi coronatos auro, lauroque Heroes præclarissimo, sicuti olim MATTHIAS RVDOLPHO in Austriaco imperio, ita nunc CASIMIRVS in Polonico solio successit pari prorsus splendore Castori Pollux, atque hunc annum Poloniæ auspiciatissimum sua inauguratione inicitauit ad omnem felicitatem, maioremque quam regio Nomini adscripserit, explicuit per vastissima regna serenitatem, quibus barbaricè

incurſiones miſerum in modum vaſtitate minabantur. Non acclamare non poſſum inter Orbis terrarum plauſus magno tuo nomini glorioſiſſimę Sarmatię, & aſiarum maximarum Prouinciarum Rex, CASIMIRE. Certę ipſum CASIMIRI nomen inter Polonicorum Regum nomina æque ſanctiſſimum, ac fortiſſimum. ſemper fuit Auſpex felicitatis, victoriarum parens, pietatis teſſera, lati obſes, barbarię fulmen, lauris, palmiſque coronatum. Iam Sagittarij Samoſtraces, iam tota Maſſagetarũ trecentarũ chiliadũ bellatrix, & errabunda immęſa colluuię, iam infauſta illa, & formidanda Romano Imperio nomina Geſę, ac Geloni ſolo CASIMIRI triumphali nomine, ac fama debellati, pacem expoſcunt, accipiunt leges, arma abijciunt. Iam Prędabundum furentium populorum ruſticanum agmen, cui euerſis Urbibus, Arcibusque pluribus expugnatis, Dominum ferę regnum procubuerat, imminens Sarmatię iugulo, & capiti inſultans, inglorium ſtetit, magnique Borithenis ripas & Infulas, Euxina lirora, ſtagnantem ignauis aquis Meotidem, in hoſpitalem Caucaſum & duratum longę niuibꝫ Tanaim meditatur. Iam impetus pellitarum nationũ, quas toto tuo Cęlo, Vrſiſque trucibus armat Septentrio, in ipſo victoriarum curſu ſuſſaminatur. Iam tibi plaudentes CASIMIRE potentiffimę ipſi glaciales Boreę in tuis laudibus ardent: iam tuas victorias Vartha, & Viſtula ſecundo curſu, & omnia Polonica flumina immurmurant: iam tuis triumphis Lithuanica, Samogitia, Moſſouia, Volhinica, Podolica, Liuonica, Pruthenica, atq; vniuerſa Lechitorum Regna lauros progerminant: dum interim Orbis terrarum tibi Solium, ad quod præter omnium ſuffragia virtutum, cum Iagellonicis faſcibus, Auſtriacis victricibus Aquilis inueſtus conuolabas, gratulatur. Quę id verò aliud expectari poterat Auſtriacã virtute, Iagellonica generoſitate, Suecicã magaanimitate, Batoręa fortitudine in vnum caput, nomenque conſpirantibus? Salue igitur CASIMIRE, potentia, pietate, ac felicitate Ter-Maxime:

Cl. de
Hon.

Accipie fortunam Generis, diadema reſume.

Quod tribus Natis.

Tu verò Polonia plaude, quę ſapientiſſima ſuffragatrix in Magnis Comitijſ CASIMIRVM omnium mortalium votis expectum, vna tuorum omnium voce in ſublimi rerum vertice collocaſti, & quando iam habet Nominis, adprecare tuo Regi glorioſiſſimam Sereniſſimã Poſterioritatis immortalitatem, & hanc quoque impone omnium ſæculorum coronam.



